


3140/4414.83

VI



全志卷八

祥異志

宋元嘉十二年正月白雁見東華宮西門青鳥見二州

以獻時獲地

尉舍昌九年秋雨雹

宋徽宗二年旱大儉

計師元年大儉

六年地無草木山石皆成沙石

使臣知縣

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1939

定縣志卷八

棲霞縣知縣龍門衛 長纂

哈佛大學漢和
圖書館珍藏印

祥異志

宋元嘉十二年正月白麀見東萊黃縣青冀二州刺史王方回

以獻

時棲地統
入黃縣

唐會昌元年秋雨雹

宋端拱三年旱大饑

景祐元年春饑

慶 六年地震岨嶠山自是屢震輒海底有聲如雷

金天會六年大水

十一年水旱免其租

元至元三十年九月蝗

天歷元年大有年

明洪武二十二年全省饑命尚書唐釋賑之

永樂六年地震有聲如雷

正月二十三日至十二月三十日止大震五十有餘小震無算

七年復震四十餘日乃止

正統十年二月十三日地大震

是月小震九九

正德二年饑

嘉靖八年八月雨雹

四年大饑人相食

二十七年大雪平地尺餘人畜多凍死

萬 四十二年夏大旱無麥 秋淫雨 是年任留山鳥巢生

鳳鄉人以為雉少頃鵲鳥畢集乃謂鳳云

四十三年大旱饑

時炎蒸異常多病死七月初九日始雨又至九月不雨蝗蝻生人噉木皮民幾斃市中

知府陶助先多方賑恤開糴於遼招南北商船兼糴於淮又廣設粥廠單騎稽察全活九萬餘名口

四十四年春大饑

時全省荒人相食而登州尤甚 朝廷發銀十六萬兩糴米十二萬石遣御史

訓賑之登州賑銀一萬兩糴米四千九百餘石棲與諸屬邑各領分賑銀米民賴以甦

四十六年秋蚩尤旗見東方每夜白氣亘天經月不散旬彗
星見於東北光射中央

四十七年夏旱

四十八年六月不雨

天啟元年蝗 四月十九日訛言賊兵自東來民皆奔走相蹂
踐竟夜不息詰旦寂然不知所以自文登至昌邑八百里訛
言時日皆同

二年蝗 夏雨雹

四年地震自東北來有聲

是年耆賢李東齊父夫婦同年壽百歲闔邑舉慶後父壽至
百有七歲見府志

崇禎二年天赤如血

三年正月朔大風霾晝晦

四年大風傷禾

五年正月朔大風霾

七年春有鳥自海島飛來搖翅如煞煞聲形如鴿惟食沙因
名沙鷄人以為兵象 五月地震是年星隕有聲

八年物恠出自城南其大如斗形如鐵重數斤土人呈於官
棄之

九年大水 十一年熒惑入心。蝗。

十二年大旱飛蝗蔽天傷稼無秋大饑人相食

十四年黃霧四塞日無光是年大饑斗米二千餘錢死者大半人相食

十五年狼入城

十六年正月元日縣宅災

國朝

順治元年四月隕霜傷麥

十三年大有年

十四年冬有虎至次年春止跡見於厲壇後為黃邑捕獲

十六年八月星隕聲如巨雷光芒異常

十八年日生四瓦 二月夜白氣竟天 豕生異獸一角旋

斃 十二月十二日白氣壓城頭直亘東西

康熙元年正月大白經天

三年冬彗犯北斗至四年三月

四年大旱無麥全省饑免賦

七年六月十七日夜地震有聲是日全省地震城垣廬舍傾圮無筭人畜多壓死

十五年丙辰大有年時粟賤如泥農民艱於金錢至正賦無出鬻田鮮主遂大困

二十六年丁卯十二月十六日子時地震聲如雷踰辰始息

嗣是日屢動月餘乃息

三十年六月二十九日飛蝗蔽天自西南來忽訛言有兵變
農民驚避不知所起 八月蝻生尋撲滅饑知縣俞寅煮粥
賑之全活甚衆

四十二年癸未通省大水秋無禾次年春饑人相食

詔蠲額賦遣員分道賑濟

五十二年三四兩月地震時動時止 十二月一日夜半雷
發聲者三

五十九年大水溪流橫溢冲地無筭

六十年旱

六十一年大旱無麥

雍正元年九月蝗食麥苗殆盡小雪後始滅次年無麥 二月
蚋蚋傷禾

乾隆六年大有年

十年三月大風飛沙拔木是年有秋

十二年大雨水 七月十五日烈風損禾

十三年飛蝗至次年春斗米千錢民間鬻賣男女

詔免田賦

十五年楚留社民李文振妻一產三男

十六年蚘蚘食禾傷稼北鄉尤甚

十七年七月十九日有風損禾

十八年穀豐稔十一月無冰次年牛疫死者過半

兵事

順治五年棲民于七招集亡命肆剽掠時天下初定

朝廷以反側者多每招撫之於是登守遂權授七爲裨將令擒賊自効縉紳畏其悍也多折節與之交至十八年春其弟于九毆萊陽宋葵秉于寶泉山秉輒投兵部稱七謀不軌卽發兵擒捕七有兩弟皆驍勇敢鬪拒捕傷官兵于是始懼罪迫脅居民據鋸牙山聚糧爲反謀矣

朝廷益發兵調通省各營會勦於十二月朔列營山下七從山上礮石飛下如雨兵不能上圍之兩月壬寅春于七夜潰圍逃

餘衆悉降兵乃解後株連衣靖以下數十家殺擄之餘復起大
獄向之與七通刺者無不羅織繫臬獄三年乃釋時識天象者
謂天狗星入齊分當有兵革之變未幾果然

棲霞縣志卷九

棲霞縣知縣龍門衛 莫纂

藝文上

典籍

三論廣訓二部

學政全書一部

明史一部

御纂通鑑綱目三編壹部

御纂周易折中二部

欽定書經傳說彙纂二部

欽定詩經傳說彙纂二部

欽定春秋傳說彙纂二部

御纂性理精義二部

旌表節孝疏

禮科給事中 李唐裔

奏為節孝關乎風教旌表不宜廢弛請祈

聖通飭勵習尚以昭德化事從古帝王有刑罰以懲惡即有爵

賞以勸善欲胥天下臣民使之相勸而善以幾化行而俗美也

旌表節孝一款載在學政條約正風化攸繫甚鉅典耳明季教

化不行欺詐相尚真孝真節不見旌表而所旌所表未必節孝

冒濫賄營恬不知恥無怪乎風俗之日偷而人心之日即於偽

也我朝用人行政莫不責其實而旌孝表節更不欲循其名

如禮部旌表一疏奉

旨撒木哈妻哈禮不必給銀令其自行建坊着部與建立亦不必致祭著於墓前酌量立碑其牌坊碑上將伊求免叔死盡節及奉旨旌表情由書寫刊刻欽此仰見

皇上崇尚節孝之至意矣夫一鄉一國必有善士天下之大豈無懿行近見浙湖各處學臣三年報滿概將節孝全不舉行是將天下男婦之美德埋沒無聞而使

皇上德禮之雅化扞格不彰身任名教罪也奚辭臣備員禮垣職掌所關誼難緘默敢請

勅下禮部通飭各學臣二年之內務將通省節孝歷過事蹟親

廉實勿隱貧愚勿狗賄囑勿止憑士民之公舉勿徒據州縣之申呈詳查真確寧嚴勿濫申報督撫核實具題部臣覆核題請旌表將見旌一孝而人人興孝表一節而人人厲節於以鼓人心而勵風化所裨匪淺鮮也如果臣言不謬伏冀

上勅部詳議施行 康熙 年

變通銓法疏

題為銓法壅滯已極變通必不可緩事臣惟天下事有經不能無權有因不能無革法有經久而無弊者則因之便例有更定而難行者則革之尤便如今日之銓法臣不能無議焉順治十

八年六月以前大選各官於年分供列中以榜案次第爲前後
遇缺分行截取前後不得攙越按期赴部無淹滯久候之苦法
未嘗不善自在籍候憑之議行則地方缺官後變爲人文到部
之例而仕途愈壅矣揆其故一由赴部違限革職則前者懼其
落後而不敢不來一由國到許掣空籤則後者異其越前而不
肯不來前後俱到壅積京師房至二兩一間債至廿金百兩入
多缺少守候無期如歲前十二月大選知縣止選一八而候選
者五百餘人各行共計不下數千人欲去不_力欲候不能致有
爲人僱工者有沿門乞食者有情急叩_門聞者有凍餒傷卧

生不得一命之榮死徒爲他鄉之鬼深堪憫惜卽聞得一官不
銳氣盡挫負債不貲欲其身到地方潔已愛民詎可得乎_臣請更
違限之例并易空籤之法一應事例俱照順治十八年六月以
前行俾年次居前者在京候選年次居後者暫行回籍一轉移
間而壅滯可通矣_臣更有請者科道監同掣籤原期糾察弊誤
今同列御名均任是非遇有弊誤勢必畏罪緘口亦於銓法有
碍似應仍照舊行_臣言如果可採統祈

物部議覆施行

建廟學記

金李純甫

登之棲霞瀕海之塢阜昌初薙荆榛而縣焉地屬齊有秦漢之遺風故其人尚鬼道近世又以丘劉之說行蜂團蟻結雲鼓波湧駕飛薨連巨棟塗金鏤碧其費不貲益與紫微之宮渦陽之殿相兄弟羽衣緇冠之黨遐想蓬萊方丈隱隱在目曉間亦天下之奇觀也獨章甫縫掖之士呻吟於葦門甕牖之下茫無歸宿之地絃歌之音闐而寂然則素王之道幾何其不胥而爲黃冠之所淄耶卽今天子嗣位之元年有縣宰李公景道故河中府君景韓之季也下車將祀先師吏曰無廟當奠牲帛於廳事公大愕經營之志油然而蒂於胸次矣會士庶以興學請公欣然

許之第以城邑窘隘未拓其址一日巡檢魏伯雄牒來廨西有隙地請舍諸公廨於州太史木甲公曰可主簿趙守真尉蒲察張奇實贊成之各捐廩粟以助費不徒而役不賦而征陶者瓦斲者斤鍛者火丁丁薨薨版土旣封殿於其中翼以列廡繚以崇墉厨以西齋於東辰在舍而載少西流而畢輪焉奐焉沉沉乎新宮矣繪塑之功曲盡其巧俎豆之器一鼓而成自是扼腕之方士知仁義之學垂髻之小兒有揖讓之風其褒衣博帶者將峩峩而來洋洋乎聞雅頌之聲於落成之際會公被檄有京師之行屬其同年交李純甫志純甫牢辭不可遂折簡於棲霞

之士曰儒者之言與方士之說不兩立久矣請以近喻諸君嘗
見夫海乎汪洋澄浩無涯淡際空如碧白波不興魚龍鴻洞
不水其水此儒者之所謂日用而不知者隱然而風雷震劃然
而蛟龍鳴非不砰轟可喜大抵素隱行怪君子不爲彼方士之
所慕吾儒之所羞也山東賢士大夫觀水於其瀾必有能辨之
者他日魁閎傑異之才飄然凌雲志氣穿天心出月脇騎蟾蜍
斧桂樹通籍金馬待詔玉堂登瀛洲而先去視方士之言如捕
風逐影將一洗而空之庶幾不負吾兄之意則吾言尤信

修城記

著教諭 孟 昊
事舉人

棲霞初未始有城壘土而城迫嘉靖戊午倭寇泛海士民皇靡
邑侯李公規焉雉以石堞以磚圍四百三十六丈高二丈八尺
若圖其家政期爲不可搖之業然內附未完公以事去嗣是惟
補葺已爾越萬 丁丑登倅宋公視篆閱月城樓窩舖翼翼山
峙矣緒令鮑公單車隨至乃按行嘆曰城無內附竊思其復於
隍也已遂命工伐石役用舊編料用罰鍰高圍石壘咸如外城
幕陳公董之戊寅二月事竣堅厚墻廣直與翠屏白洋映帶而
紫迴且縣治前居民擁迫不異面墻公捐俸易之開街一衢樹
坊一庑題曰毓秀其迓祥視遠若啟牖排軒以觀日月之光於

戲厥功偉矣可弑我巳耶諸鄉彥及林生彥郝生靖王生之垣
等懇余記余惟洛邑之營始之召公使攻位而五日位成成之
周公命殷庶而殷庶不作何者民之攸暨悅之真也茲城也李
公首事於創始宋公續事於暫署鮑公成事於初蒞而民心後
先如一豈偶然哉李公之遺愛長遠矣宋公俄頃之化藹若春
膏而鮑公理諸公之緒枚枚秩秩惠無糝政嚴無峻刑上下融
融安堵庶幾哉周召誠成保民之意乎由斯地利人和相爲固
結後之循良必適然動悅民之思而霞城太平百千萬億無窮
極公其孚先之績哉時相鮑公以治者則縣丞黃公主簿李公

敬併書之以垂不朽宋公諱守益長治人李公諱揆銅梁人鮑
公諱霖青陽人黃公諱茂悌儀真人李公諱蒙訓河曲人陳公
諱法合肥人

重修廟學記

明登州衛進士
戶部主事 吳國相

李侯領聖天子休命出宰樓霞是邑也窮天之際極海之濱土
壤斥於山麓民物習於焚蕪地之僻而習之陋也莫是爲最李
侯大有懼色君子慰之曰道之行也不以地之僻而自阻也不
以風之陋而自墮也存乎其自新而已耳李侯至邑博稽政典
果愜前聞作而嘆曰斯民也三代之遺也可如是乎越三日瞻

禮孔廟見其宮墻圯蕪齋宇淪廢器數淆雜衢巷蔽翳作而嘆曰治之敝也其在是乎其教化之無地而俊父之未儲乎蒞政之初百務不遑首舉斯典懇懇以作新文教爲已任掄材勸工稽程考費三月之後百度告成煥然明備不復向昔之陋矣是故隆敬一亭於後端尊時制也建啟聖殿於左掖崇先德也疏名宦於東祠景前哲也齒鄉賢於西楹敦文獻也考禮樂之器糾廩餼之頒時講誦之期懲游好之習優徭賦之差鼓振勵之氣一時士類反薄歸厚熙熙然三代之英也斐然成章矣於戲李侯之治其知重本歟事竣師儒徵記於相相不敏敢不颺言

以後一時之盛竊惟天地之道不飭而成化聖人之教不飭而成教李侯之作新文教無非謂造化聖道之精必文而後顯耶夫樸者道之實也文者道之華也誠懇以崇其質物采以賁其章合內外之道也世之求治者吾惑焉以簡僻爲迂老以惰慢爲率真以振揚爲激烈以勵精爲繁擾因循舊敝徒俟遷秩於治化之本少不垂意嗚呼文質彬彬孔子猶美周制而從之故武城喜絃歌之雅宮墻歎富美之觀皆以治不可以終陋而道之顯也存乎其文而已不然堯舜禹湯文武周公曰濬哲文明曰懋昭日新曰於穆丕顯非是道與愚於是而益信李侯之作

新文教誠知治之本而得道之要矣雖然作新之機有二道焉
曰新民曰自新李侯其兼而有之矣是故恤困窮抑強暴懲游
惰勸催科節支度振兵旅嚴城堞李侯於是不徒專於文而已
也愚蓬萊逸人也聿觀厥成慶吾道之維新也用是以勗多士
其無負我侯作成文教之意亦以仰副我聖治作人求賢之化
亦無徒專於文焉而已也侯名揆四州銅梁人登嘉靖丁酉鄉
薦工始於嘉靖三十七年三月落成於本年十月記之日則次
年三月也

朔修關帝廟記

郝晉

已按天文危分野春秋牟子國所屬也漢隄地唐宋爲淘金
金始設爲縣上下四五百年來人才不數出通仕籍者率多僻
蹇無能竟其志且不一再傳頓歸銷歇卽間有素封之家鮮衣
怒馬炫耀一時未幾冷落隨之至貧窶者則日在蕭瑟中毫無
生趣堪輿家每言水法未善余弗以爲然癸亥秋與江右桂林
熊君遊艾山登眺群峰乃知縣龍自馬達口始南分焉透海郭
落莊以通靈山鼎峙於邑之東插雲蔽日隱隱若有靈氣呵護
又復轉首西南再折而北以長龍結爲縣治雖延袤五六十里
而水之隨龍繞縣不過六七里十數里而止迨奔溢於海則任

其傾洩莫爲砥柱議於邑西北建廟未果丙寅歲李公來令是
邑登陴後屬耆老而告之曰邑盤龍也水法散漫不補救世獨
弗利於邑卽宦斯地者將亦憂憂乎難之余遂以建廟請公慨
然偕卜其地卽如前之所議者鳩工庀材且捐俸以爲邑人倡
因是建 關聖帝君廟 楹厥位惟坎厥向惟離厥鎮惟乾廟
貌巍巍非獨以崇禮祀走香火而一邑之風氣實嘉賴之矣溯
始於天啟丙寅春三月落成於丁卯秋九月李公諱廸字吉所
楚之麻城人也是爲記

重修明倫堂記

牟國瓏

人道之常存存以倫也人倫之常明明以學也古先王設學而
號其堂曰明倫蓋以扶綱常維名教之在乎此也堂亦重矣哉
我棲自

清定鼎以來學宮屢修矣而明倫堂如故荏苒歲久將就圯多
士憂之邑侯鄭公慨然捐俸屬司鐸朱宋兩先生督修焉兩先
生盡心董理不月而告成多士請記以傳不朽余曰誠可傳也
方今

朝廷重道右文重新闕里廟貌容歲又增修太學凡爲人倫風化
計者有加而無已宜有司之奉行無替也而公能加意修葺不

各捐貲以仰副

聖天子作人雅意可謂識先務矣如是則公將以堂傳然堂非虛設也孟子曰人倫明於上小民親於下王制曰順先王詩書禮樂以造士賈誼曰移風易俗使天下回心而嚮道類非俗使之所能爲也故子游宰武城比戶絃歌王阜令香泉泮宮鸞集范再令餘杭興學校養生徒期年教化大行之三賢者當代頌之矣葉稱之並其地亦永壽天壤何其榮也後之君子非不心羨之皇皇簿書錢穀是急而不暇及夫是故堂雖依然乎而絃歌地響矣公甫下車卽以斯文爲念名諸生親試之拔其尤者

之嗣又頻行考課政事暇又數與之酌酒論文如家人歡士以此爭自奮則今日復修講堂正本平日造士之實心爲之古良牧之休風其猶未邈乎於是則堂又將以公傳雖然公之意寧惟是傳後已乎堂以倫建也顧名思義炳若日星也願自今聚斯堂者敦倫修行勉立忠孝大節爲庶民倡坐斯堂者宣明倫理朝考夕儆令士勿荒於嬉以順公教其後之鳴琴斯士者登斯堂而興思焉以法律爲輕禮教爲重催科爲後作養爲先亦當踵而行之俾宮墻之色丕煥絃誦之聲弗衰庶吏治師訓士習民風交相砥礪以進於古則人倫可常明而人道其永賴

矣乎是爲記公諱占春字梅村福建福清人教諭朱君友韓沂州人訓導宋君其仁金州衛人

義學碑記

邑拔 李 任
貢生

樹穀必於田樹人必於學古者黨有庠術有序幼子十年就外傳十三學樂誦詩舞勺成童舞象教之循循有成法長則出負耒入橫經故人才日盛詩曰成人有德小子有造蓋以此也三代後郡縣設學而鄉學未聞焉民間子弟雖有俊秀茂知詩書幾何而不以愚頑終也於是良司牧爲設館以補鄉學之缺名之曰義學以襄文治以育人才德莫厚焉然而行之者殊鮮其

意曰此無益事何與我考成吁謂是爲無益必將以逢迎科餉爲有益幾何而不以苛刻逞也此甘棠之愛所由與菁莪之化俱泯也方今

聖天子在上興學右文大化翔洽海內靡不向風而所在奉行德意能以實心行實政者惟我邑侯鄭公爲最公閩中名宿秉鐸臺灣榮擢而蒞茲土下車以來革陋規除私派恤荒而澤及飛鴻編審而恩流比屋事事以休養斯民爲念其於士也則德行

者優禮之能文者甄拔之又不時課藝不時招飲以提撕之貧

者或賚以金粟周恤不一而足被其教者咸感且激蒸蒸期爲

良士隣境亦多聞風而來備卷隨考思得公一言之褒爲榮士
風之不變從此可卜矣詩之頌君子也曰豈曰弟豈以強教之
弟以悅安之如此而後謂民之父母公庶其無忝矣乎又念里
巷窮民力不能延師以教其子若弟多不免廢棄乃擇西關隙
地創建學舍甫鳩工適有省檄召公辦差趣就道乃命邑尉督
修剋期視成公旋羅城中總角並遠近願來學者於其中而選
師爲之訓焉一切皆公捐俸自爲之事竣屬予爲記以勒石于
思棲之絃歌寢衰也久矣士荒於嬉無課之者課之自公始明
倫堂敝且傾無修之者修之自公始邑闕義學無設之者設之

又自公始何公之雅意樹人爲

朝廷廣德造之化者如此其殷殷無已耶昔子產之相鄭也殖圃
疇教子弟仲尼稱之曰惠卓茂之宰密力行教化漢帝褒之野
爲侯他若翁仲通令武平買地建學以教民而家絃戶誦壽安
尹玉山創立書院及貢奎之爲義塾以待四方學者而名皆焜
耀史冊以公方之何多讓焉余故喜而誌之以見公之有造於
棲者大也而况旣修以後有舉莫廢後之人必將慕而效之儼
而行之而公之澤且歷萬世無替也則斯學也雖謂與甘棠比
烈也亦宜

悅心亭記

前人

人情莫不有悅悅乎內悅乎外皆悅也然在外之悅得之則欣失之則戚雖高爵厚祿榮耀一時而究於我乎無與非真悅也在內之悅大行不加窮居不損雖遭逢靡定夷險殊途而一無所累於其心乃真悅也真悅未可以矯而致在乎人之自得耳重季牟先生令南宮歸年尚壯都門故人多勸之復出先生弗應曰吾所悅不在是吾將以丘壑老矣宅東隅有園就其地構一亭與南山對草色嵐光時時在目先生悅之亭之前鑿一池池泉甘冽可烹茗中畜金魚十餘尾常游泳水面上先生悅之

池週圍砌磚爲檻檻上置梅蘭二三盆檻下栽竹一叢菊數本風晨月夕竹影花香清幽可愛先生悅之因名其亭曰悅心亭悅心云者悅在內而不在外也亭上有古史數卷常評點之倦則焚香靜坐或與子侄講學論文所接見者二三知已外無多客官衙非公事不一至歷寒暑晦明無日不在亭有所悅故也先生負公輔之才宰一邑未竟所施人謂先生必鬱鬱不樂而先生怡然自悅如是非矯也先生爲令廉明仁厚去之日泣送者數百人爲立碑爲建祠先生之名成矣云胡不悅家居差足自給又多賢子弟或溫醇而秀雅或磊落而英多冠帶雍容聚

樂一堂先生之情適矣云胡不悅憶先生解綬時寄書於其侄
中翰君曰吾罷官覺味淡而旨噫非實有所得亦烏知淡之中
有旨也繹斯言可以知先生之心矣古之名賢告休多以酒爲
悅栗里香山皆然先生不甚好酒而無乎不悅悅山悅水悅雲
悅月悅棋悅琴悅花竹悅游魚鳴鳥人知此先生之所悅亭內
皆有之而不知皆先生之悅之寄而非先生之真悅也先生之
真悅惟義理耳孟子曰理義之悅我心猶芻豢之悅我口此性
分之悅人心所自有而陷溺者不知也閔子曰入聞王道則樂
之出見龍旂又樂之此性分之悅易爲紛華所間必厭飫久而

乃得有芻豢之色也先生得之矣惟所得常足於中故不假所
戚於外不假欣戚於外故能知足能知足故墨綬不以爲輕山
田不以爲薄歸休不以爲寂陶陶乎無往而不悅也與世之役
情富貴而戚戚焉終其身者相去何如哉予與先生爲心交知
先生之悅之真而慨世之能有此悅者少也爰爲之記

通許令林公傳

監察御史 牟恒

公諱璠字崑璧其先莆田人宋時籍棲霞代遠不可考考自公
八世祖瑄始七世祖茂明景泰間傾困賑飢奉勅建坊以旌六
世祖恂以孝廉歷官鶴慶守卒祀鄉賢天水胡公纘宗表其墓

五世祖翰鄉內黃丞高祖祖武曾祖述古祖勝會庭訓書香世
有令德至公之父連城公履祥以里選考授別駕子三公其仲
也母鄒姬十二月而生孩提舉止異常兒稍長就傅卽嗜學能
文年十五于逆變作闔邑遭冤獄公亦在縲縶中誦讀不輟時
被逮多有道君子執經問公字者三年如一日寃甫白而連城
公謁選卒於邸公閔家不造勗兄弟小心集木善事寡母篝燈
下帷益肆力於學旣寇補博士弟子員試輒冠軍居家以孝友
仁讓爲主本胞叔某蕩厥產贖負郭田二頃復出鬻公重其價
書券契而仍以田歸之厥子孫利賴卒能有其業人皆知公之

善處骨肉也文章妙當世頗數奇不利棘闈以明經入仕籍三
任司鐸所至修學宮端師範不言修脯以道義文章鼓勵人材
經公物色者皆有成就去則多士臚條教於石以垂不朽後遷
通許令旣受事前令虧空壘壘上官強公受代公不肯曰令不
能剝民以償也催科不事敲朴訟者令自拘片言剖決案無留
牘工商供應故有成規一切罷之給值與平民等邑有河久堙
水至則害稼公濬之傍河無水患例禁私鹽唯貧民挑負易米
不在禁內向概苛之公特豁以便民官辦漕米多羨餘實爲
民累公陰以數百金請免通人尚不知所以一吏請稽牙行隱

漏謂歲可得數百金公怒曰導利殃民率由若輩命杖之叩頭流血乃免邑紳某以僕犯盜乞爲門下士冀免株連公正色曰是賄賂別名吾焉可以貨取耶其爲政廉介清嚴類如此上官稱爲循良第一將於計典薦以資淺不果癸巳覃恩贈及考妣公曰吾願足矣亟請歸百姓追送數百里外公歸而卜築山舍掃室焚香以吟嘯自適與兄璧公斗酒言歡無虛日逢故人於山水間輒談笑忘歸時進子若孫教以讀書積善無墜先德年七十有四卒囊無餘資遺產諸子裁足衣食初至通許有不把多財損後賢之句終如其志云配韓氏性至孝母鄒太孺

八菴惜食飲寒煖多不能自明韓悉意體察務得歡心子三皆讓飭能文長仲愚拔貢次仲恣廩生次仲懋辛郊亞元一女適福山廩貢鹿壽祺

贈君麟仲牟公傳

長洲 韓 茨

先生牟公名作孚字信萬登州棲霞人初名國璞字含輝爲邑名諸生以覃恩贈徵仕郎內閣中書舍人父鏗男八人先生則其仲子也甫弱冠父母俱卒日夜哭泣自力於成而推以勗其諸弟常先其伯兄時季弟未入縣學痛親之愛憐少子之意嘗擬親命以命已曰我父母若日辛卯歲兩母棄爾輩去逾年爾

父又棄爾輩不得見成立爾父母遺憾多也爾弟幼惟爾輩是依有能抑其驕制其矜教以義帥以正鼓舞以作其勤撻記以戒其惰是惕其心者也戚也有緘其口藏其舌誘以淫佚倡以邪說待之如賓加之以貌是怠其心者也疎也爾尚念茲其日誦勿忘又擬親命以命其弟曰我父母若曰爾幼惟爾諸兄是依爾諸兄有抑爾驕制爾矜教爾義帥爾正鼓舞以作爾勤撻記以懲爾惰是戚爾也爾其敬而從之苟反是是疎爾也爾其和以商之爾尚念茲其日誦勿忘伯兄國玠亦賢者也約其義而爲詩曰人有百行孝爲之首親其往矣孝乃在友幼弟無成

我之咎先訓如在銘心誦口又曰人有百行孝爲之首親其往矣志昌厥後身爲白丁云胡不物先訓如在銘心誦口今進士中書舍人恒者先生子也先生常條其命見者曰體親心勿致疾亟請時努力敬爾諸父與諸母友爾兄弟以及於爾姊若姊爾爲夫夫以刑于婦婦均平爾慈及臧婢事罔小大知信知勤可長久又念其命婦者曰爾毋自誇其所須必謀諸小姑無矜於而家以從其夫上堂省姑日惟四脫有誚讓色以愉無蓄私財事無專擅聲勿高言無誣日侍姑側亦無戲以渝見私親語勿絮而夫是俱先生之教如此棲霞人稱牟氏家法云嗟

夫教家之難也往往功名震世才氣發聞而揆諸家人反身之義玷闕者衆也先生篤於知本矣如其訓也可以風世先生於世好泊如獨勇於爲義其鄉之利病不啻如其在已嘗爲縣言過撥地者之害也撥者始縣四十六社錢糧俱在本社數頗均而催征便法行田與籍買亂稅多寡不均或社東而催征於西役久其苦又言縣熟地歇地之別熟地者歲耕不歇計畝而征歇地者由坡川澤或歇一年二年而一種向逢丈量不在丈限乞仍舊貫由過撥之說則經界之所以當正也由歇地之說則一易再易之所以當差也豈獨一縣爲然哉故并著

是爲凡司牧者告且以待後日史氏之有考焉

牟侍御傳

棲霞縣知縣 衛 萇

公諱恒字聖基先世公安人自九世祖敬祖公宦棲回家焉敬祖公有德于棲子孫發祥世濟其美至公爲名御史父作孚以理學祀于鄉公少穎異工文章十五補博士弟子貢康熙庚午鄉荐甲戌成進士當是時怙恃俱失獨弱妹一人公對之必泣適人後尚爲置產教兩甥成立初任中書歷戶禮二部郎監督寶泉局局故利藪同官多誑吏議公獨以清白蒙 帝眷特賜周易孝經旋擢監察御史公每讀書見古名臣諫奏興除事輒

慷慨動顏色必見諸行事時有鄉先達某司空者將私請于公先以數百金爲壽公力却之遂杜其口至人有冤抑必抗章力救一太守謁選在京人誣其不潔同邑孫某或誣以窩留東人將擬遣戍皆以公救得免比巡視南城杖優人之交結權貴者而遠逐之一時豪橫斂手於是聲望赫然無大小賢否皆知有牟御史奉命監視錢局局各有所謂工頭者多私積服餽逾侈公嚴飭禁之其人嘗持貂裘數踵門不敢獻終公任無僭踰者一日侍班

聖祖嘉之曰真誠不欺尋致仕歸開家塾親課諸弟子侄于學

其家孝友科第之盛爲郡邑冠皆公之教也當公爲御史也被紫衣繡而裏著必以布曰先君子自奉儉約終身不衣帛余小子不敢忘也其立朝有年章奏恒日數上多見嘉納今求其隻字不可得問諸耆年嘗與公遊者則焚之矣嗚乎難哉以雍正丙午卒於家年六十有九

式九李公傳

前人

余至樓考人物僉曰數十年來以文學沾溉後進未有如式九先生者因索家傳公姓李氏名任字式九性嗜書過目輒成誦自經史百家下及醫卜之書無不涉涉則必精然學先躬

行敦孝弟與人坦率而尤以立誠主靜爲宗嘗頌其齋曰思慮
意可知也體孱瘠似不勝衣乃危坐彌日無惰容人與處者亦
未嘗見其疾言遽邑也從遊之士甚衆日與爾濂洛奧旨及辨
朱陸同異最悉爲詩及古文詞率不起草掇筆立就門下弟子多
以明經上第顯當世而公六上棘闈皆病不終場及一竣卽被
薦仍摘兩字不錄其功名坎坷如此以故抱負不獲見於世以
拔貢終然公有以自樂意泊如也小試常冠軍又一見知於撫
軍桑大中丞拔爲通省第一卒亦未薦于朝而公亦無一字相
干晚年益肆力著述以道德文章爲多士楷模康熙癸巳卒壽

七十有二朱輝珏太史銘之曰文章宗匠禮樂淵源益實錄也
所著四書講義麟經指掌及閑居詩集俱藏于家孫鍾淑清介
士也能讀公書吾見家學之未艾云

貴東道再熙李公傳

文登
人于其珣

李公日更字皆仰號再熙棲霞給諫李公唐裔第四子也性敏
而剛直總角時授書如逢故物試以事剖決悉當給諫公深器
重之拾芹時年十三弱冠而侍御君歿公哀毀踰禮撫幼弟友
愛倍篤癸酉以經元舉於鄉嗣丁內艱丙戌服闋捷南宮讀書
中秘巳丑以農民苦行詩稱

聖祖旨擢檢討壬辰分校禮闈取華覲光等十人悉海內名士號
得人在翰苑八載屢蒙 詔賜尋乞歸居鄉多善行人比之司
馬居維云今

上初卽位特旨召見雍正二年授貴東糧驛道 欽賜摺本藥餌
等物以寵其行並諭通省利弊官方賢否不時

奏聞禮遇之隆近罕有也公之任以釐奸剔弊爲急務先是黔省
驛站每歲有羨餘銀壹千玖百餘兩公悉解司以佐國用例補
驛馬銀歲幾貳萬兩舊多濡染公全給之倉儲徵收多違成憲
公廉其實懲舞弊者而彈劾其侵墨自是宿弊悉除在黔三年

